

**Malay Language and Literature**  
**Bahasa dan Kesusasteraan Melayu**  
**Singapore-Cambridge General Certificate of Education**  
**Advanced Level Higher 2 (2021)**  
**(Syllabus 9573)**

**1 OBJEKTIF PENILAIAN**

Peperiksaan Bahasa dan Kesusasteraan Melayu H2 GCE Peringkat Lanjutan bertujuan untuk mengukur tahap pencapaian dan kecekapan pelajar dalam bidang bahasa dan kesusasteraan berdasarkan objektif Sukatan Pelajaran Bahasa Melayu H2 Peringkat Lanjutan, Kementerian Pendidikan.

Peperiksaan Bahasa dan Kesusasteraan Melayu H2 bertujuan untuk menilai keupayaan calon:

- (a) menulis esei yang tersusun untuk menggambarkan acara dan pengalaman atau esei yang mampu memperkukuh sudut pandangan berlandaskan alasan-alasan dan bukti-bukti yang relevan;
- (b) menunjukkan pemahaman terhadap teks yang dibaca dan memberikan respons yang sesuai dan jelas;
- (c) memberikan respons terhadap aspek tatabahasa dan kosa kata;
- (d) memberikan maklum balas terhadap topik-topik yang baharu bagi pelajar dan menjelaskan sudut pandangan melalui forum, blog dan sebagainya;
- (e) membuat inferens berdasarkan penelitian teks yang pelbagai dan membuat ulasan terhadap jenis-jenis teks yang berbeza seperti puisi, lidah pengarang dan sebagainya;
- (f) mengenal pasti kandungan teks sastera daripada pelbagai genre dan menganalisisnya berdasarkan aspek-aspek kesusasteraan;
- (g) memberikan respons secara analitik, kritikal dan kreatif terhadap bahan sastera; dan
- (h) membandingkan bahan sastera berdasarkan aspek-aspek kesusasteraan.

## 2 HASIL PEMBELAJARAN

Berdasarkan Sukatan Pelajaran Bahasa dan Kesusasteraan Melayu H2 2014 yang dihasilkan oleh Bahagian Perancangan dan Pembangunan Kurikulum, Kementerian Pendidikan, pada akhir pengajian prauniversiti kursus Bahasa dan Kesusasteraan Melayu H2 GCE Peringkat Lanjutan, pelajar harus berupaya untuk:

- (a) memahami teks-teks bertulis dan yang dituturkan tentang topik-topik yang berkaitan dengan diri, keluarga, sekolah, masyarakat, negara dan dunia;
- (b) membuat penyampaian yang koheren dengan menggunakan julat kosa kata yang luas, struktur ayat yang pelbagai, sebutan yang jelas dan tepat serta intonasi yang semula jadi dan ekspresif tentang topik-topik yang berkaitan dengan diri, keluarga, sekolah, masyarakat, negara dan dunia;
- (c) menulis teks dengan menggunakan julat kosa kata yang luas, struktur susunan dan ayat yang pelbagai tentang topik-topik yang berkaitan dengan diri, keluarga, sekolah, masyarakat, negara dan dunia;
- (d) berinteraksi secara lisan secara bergiliran dengan semula jadi, spontan dan fasih dengan sebutan yang jelas dan intonasi yang tepat tentang topik-topik yang berkaitan dengan diri, keluarga, sekolah, masyarakat, negara dan dunia, dengan menggunakan julat kosa kata yang baik dan struktur ayat yang pelbagai;
- (e) berinteraksi dengan sewajarnya melalui penulisan tentang topik-topik yang berkaitan dengan diri, keluarga, sekolah, masyarakat, negara dan dunia serta menggunakan julat kosa kata yang luas dan struktur ayat yang pelbagai;
- (f) menghargai dan menghayati karya sastera melalui analisis teks berdasarkan aspek-aspek kesusasteraan seperti tema, persoalan, gaya bahasa, teknik penulisan, dan unsur bunyi;
- (g) memahami dan menghayati unsur-unsur dan nilai-nilai murni dari segi moral, kebudayaan, kemasyarakatan, kenegaraan dan kemanusiaan yang terdapat dalam teks sastera; dan
- (h) membandingkan mutu karya sastera dengan mengenal pasti keistimewaan dan ciri-ciri penulisan yang terdapat dalam sesebuah karya sastera.

### 3 **FORMAT PEPERIKSAAN**

Format peperiksaan bagi Bahasa dan Kesusasteraan Melayu H2 Peringkat Lanjutan terbahagi kepada:

#### **KERTAS 1: KARANGAN DAN PENGGUNAAN BAHASA DAN KEFAHAMAN – 70 markah (35%)**

Kertas 1 terbahagi kepada dua bahagian iaitu Bahagian 1 dan Bahagian 2.

##### **BAHAGIAN 1: Karangan (35 markah)**

Calon dikehendaki menulis karangan yang panjangnya tidak kurang daripada 460 patah perkataan tentang salah satu topik yang diberikan. Masa yang diperuntukkan ialah 1 jam 15 minit. Kamus yang diluluskan boleh digunakan.

##### **BAHAGIAN 2: Penggunaan Bahasa dan Kemahaman (35 markah)**

Bahagian ini terbahagi kepada dua bahagian; Bahagian A dan Bahagian B. Calon dikehendaki menjawab kesemua soalan. Masa yang diperuntukkan ialah 1 jam. Calon tidak dibenarkan menggunakan kamus bagi bahagian ini.

- **Bahagian A: Melengkapkan Teks (5 markah)**  
Calon dikehendaki melengkapkan teks dengan memberikan perkataan-perkataan yang paling sesuai mengikut konteks petikan karangan.
- **Bahagian B: Kefahaman dan Kosa Kata (30 markah)**  
Calon dikehendaki menjawab empat soalan kefahaman dan soalan kosa kata.

#### **KERTAS 2 (E-peperiksaan): KEFAMAHAHAN DAN KOMENTARI – 30 markah (15%)**

Calon dikehendaki menjawab tiga soalan kefahaman dan menulis komentari yang panjangnya tidak melebihi 160 patah perkataan berdasarkan dua teks sumber yang diberikan. Masa yang diperuntukkan ialah 1 jam.

#### **KERTAS 3: SASTERA – 100 markah (50%)**

Kertas 3 terbahagi kepada empat bahagian; Bahagian A (Novel), Bahagian B (Cerpen), Bahagian C (Sajak) dan Bahagian D (Drama). Calon dikehendaki menjawab empat soalan kesemuanya, SATU soalan daripada Bahagian A, Bahagian B, Bahagian C dan Bahagian D. Soalan-soalan dalam kertas ini berbentuk *open book*. Calon dibenarkan merujuk kepada buku-buku teks yang telah ditetapkan. Masa yang diperuntukkan ialah 3 jam.

#### 4 BUKU TEKS YANG DITETAPKAN

##### BAHAGIAN A: NOVEL

- ***Jendela Menghadap Jalan (Edisi Murid)*** oleh Rohaini Matdarin (Utusan Publications & Distributors Sdn. Bhd., Kuala Lumpur)

##### BAHAGIAN B: CERPEN

- ***Begitulah Kata-kata*** editor Sae'da Buang (Marshall Cavendish Education, Singapore)
  - i. *Yang* oleh Jamal Ismail
  - ii. *Si Malang Jalang* oleh Saedah Saad
  - iii. *Suatu Perjalanan Sebuah Peta Sebuku Roti* oleh Basiran Haji Hamzah
  - iv. *Pertemuan* oleh Isa Kamari
  - v. *Jago* oleh Ahmad Jaaffar Munasip
  - vi. *Ruang* oleh Ismail Wardi

##### BAHAGIAN C: SAJAK

- ***Begitulah Kata-kata*** editor Sa'eda Buang (Marshall Cavendish Education, Singapore)
  - i. *Pendakian* oleh Mohd Taha Jamil
  - ii. *Api* oleh Mohamed Latiff Mohamed
  - iii. *Begitulah Kata-kata* oleh Masuri S. N.
  - iv. *Betapapun Gerak Cepat Kehidupan akan Kususuri Landasan ini* oleh Ahmad Mohd Tahir
  - v. *Dalang: Episod Tiga* oleh Rasiah Halil
  - vi. *Pustakaku Dalam Remang Senja* oleh Sa'eda Buang
  - vii. *Balada Merdeka* oleh Peter Augustine Goh
  - viii. *Tanda Tangan* oleh Noridah Kamari
  - ix. *Menjaring Mentari Hidupku* oleh Abdul Kadir Pandi
  - x. *Anak Tetangga Kelantan Lane* oleh Kamaria Buang

##### BAHAGIAN D: DRAMA

- ***Begitulah Kata-kata*** editor Sae'da Buang (Marshall Cavendish Education, Singapore)
  - i. *Anjing untuk Diplomat* oleh Hamed Ismail
  - ii. *Cahaya di Hujung Senja* oleh M. Saffri A. Manaf
  - iii. *Titik Pertemuan* oleh Rohman Munasip

## 5 JADUAL PENGKHUSUSAN

Kertas (Masa)	Kandungan	Jenis Soalan	Jumlah Soalan (Jumlah soalan yang perlu dijawab)	Markah (Timbangan)	Catatan
KERTAS 1 (2 jam 15 minit)	<b>Bahagian 1: Karangan</b> <ul style="list-style-type: none"> <li>• Naratif</li> <li>• Deskriptif</li> <li>• Argumentatif</li> <li>• Rangsangan Grafik</li> </ul>	Respons bebas	4 (Jawab 1)	35 (17.5%)	<p>Calon dikehendaki menulis karangan yang panjangnya tidak kurang daripada 460 patah perkataan.</p> <p>Calon dibenarkan menggunakan kamus yang diluluskan.</p>
	<b>Bahagian 2: Penggunaan Bahasa dan Kefahaman</b>				
	<u>Bahagian A</u> Melengkapkan Teks	Respons Bebas	5 (5)	5 (2.5%)	Calon dikehendaki mengisi tempat kosong dengan perkataan yang paling sesuai.
<u>Bahagian B</u> Kefahaman dan Kosa Kata	Respons Bebas	5 (5)	30 (15%)	Calon dikehendaki menjawab empat soalan kefahaman dan soalan kosa kata.	
KERTAS 2 E- peperiksaan (1 jam)	Kefahaman dan Komentari	Respons Bebas	4 (4)	30 (15%)	<p>Calon dikehendaki menjawab tiga soalan kefahaman berdasarkan dua teks sumber.</p> <p>Calon dikehendaki menulis komentari yang panjangnya tidak melebihi 160 patah perkataan berdasarkan dua teks sumber.</p>
	<i>Subtotal</i>		18 (15)	100 (50%)	

<b>Kertas (Masa)</b>	<b>Kandungan</b>	<b>Jenis Soalan</b>	<b>Jumlah Soalan (Jumlah soalan yang perlu dijawab)</b>	<b>Markah (Timbangan)</b>	<b>Catatan</b>
<b>KERTAS 3</b> (3 jam)	Bahagian A: Novel	Respons Bebas	2 (1)	25 (12.5%)	Calon dikehendaki menjawab empat soalan; satu soalan daripada setiap bahagian.
	Bahagian B: Cerpen	Respons Bebas	2 (1)	25 (12.5%)	
	Bahagian C: Sajak	Respons Bebas	2 (1)	25 (12.5)	
	Bahagian D: Drama	Respons Bebas	2 (1)	25 (12.5)	
	<i>Subtotal</i>		8 (4)	100 (50%)	
	<b>Total</b>		<b>26 (19)</b>	<b>200 (100%)</b>	